

Manual para uns dentes sans

Conxugo en todas as súas formas
o transparente líquido:
en gargarexos, en menta, en fresa
Peiteo os dentes,
lustro as súas entradas e devesas,
con raia ao medio
e de lado.
Bótolles brillantina
para inmovilizalos ante o último
retrato,
unha fotografía no espello
coa miña destreza sinalando
a estrela das 32.
Novos conxuros
e enxaugues
liquidan o percorrido
dun bálsamo
polo amplo mundo da porcelana.